

DIE XXIX. MAII.

BB. GUILLELMI ORD. PRÆD. ET SOCIORUM MM.

DUPLEX.

In utrisque Vesperis V. Ora pro nobis beáte Guillélme cum Sóciis tuis. T. P. Allelúaia. R. Ut digni efficiámur promissiónibus Christi. T. P. Allelúaia.

Oratio.

DEUS, pro cujus amóre, ac fídei tuéndæ zelo, beáti Guillélmus et Sóci gládiis impiórum occubuére : præsta, quæsumus, ut eórum suffrágiis in fide stábiles ȳ te semper ex ánimo diligámus : Per.

DIE XXXI. MAII.

B. JACOBI SALOMONII CONF. ORD. PRÆD.

DUPLEX.

Oratio.

DEUS, qui nos beáti Jacóbi Confessóris tui ánnua sol-emnitéate létificas : concéde propítius ut cujus natalitia cólimus ȳ étiam actiόnes imitémur : Per.

In j. Vesperis Memoria S. Petronillæ Virginis.

Oratio.

EXAUDI nos Deus salutáris noster : ut, sicut de beátæ Petronillæ Vírginis tuæ festivitaté gaudémus ȳ ita piæ devotiónis erudiámur afféctu : Per.

DIE I. JUNII.

BB. ALPHONSI NAVARRETE O. P. ET SOCIORUM MM.

DUPLEX.

In utrisque Vesperis V. Ora pro nobis beáte Alphónse cum Sóciis tuis. T. P. Allelúaia. R. Ut digni efficiámur promissiónibus Christi. T. P. Allelúaia.

Oratio.

DEUS, qui nos beatórum tuórum Alphónsi et Sociórum ejus triúmpho létificas : da nobis, quæsumus, eórum méritis et intercessióne eámdem in fide constántiam ȳ et in ópere efficáciam : Per.